



*Bibb. 25.*

A D

# S O M N U M.



*Somme*, blandum Numen Amantibus,  
Præfens amico pectora Virginum  
Mulcere Ramo, qui fugacem  
Sæpe mihi revocas *Corinnam*:  
Huc Antra linquens Sole carentia,  
Stratumque Florem, remigio citus  
Adsis silenti, roscidosque  
Adde, Tuum Populum, *Sopores*.  
Paulisper ANNÆ leniter incubans,  
Dissolve *Curas* pectoris *Incolas*;  
Et mollicellis pervicaces  
Illaquees oculos catenis.  
En! Fraude *Morpheus* ludit amabili,  
Charamque Amanti gratus Imaginem  
Redonat, ereptique Amores  
Artifici referuntur Umbra:  
Illic *Glovernus*, Tramite lucido,  
Nuper recepto prævius Hospiti,  
Cervice reclini, lacerto  
Implicitus brevior, pendet.



Hunc *Mater* Astris Indigetem videt,  
 Heu mire avaris! non sine gaudio,  
 Vultuque subridens protervo,  
 Ambiguo rigat ora fletu.  
 Infusus illic ambrosio sinu  
*Heros Mariæ* redditus infidet;  
 Et haurit æternas, ocello  
 Suspiciens sitiente, flammæ.  
 Quam vellet Astris ocyus inferi,  
 Mundi labantis heu nimis immemor!  
 Torosque non rursus caducos  
 Perpetuis stabilire vinclis.  
 Sed *Parca* Famam destinat uberem,  
 Messesque Laurus prodiga *Gallicas*,  
 Et cogit invitam vacare  
 Imparibus *Britonum* Triumphis.  
 Sero Trophæis accipiat gravem  
*Cimber* fidelis Participem Poli;  
 Comamque Victricem volenti  
 Dividuis religet Corollis.

Geo. Bubb, è Coll. Exon.

Super. Ord. Comm.

